



# Մկրտիչ Արմեն

## Ընտանեկան հարկի տակ

Լինում էր և այսպես . վերակարգիչը, մտնելով բարաք, «իրերդ հավաքիր» հրամանը հաղորդում էր ոչ թե մեկին կամ մի քանիսին, այլ ամբողջ բրիգադին կամ նույնիսկ մի քանի բրիգադի:

Կարգադրություն էր սաացվել՝ այդ ճամբարից մի այլ ճամբար փոխադրել հարյուր հիսուն մարդ: Ետևում էին մնացել խոտհարքը բացատներում և ծառերի արանքներում՝ որտեղ որ հնարավոր էր: Ետևում էին մնացել աշնանային տեղատարափ անձրևները՝ համարյա անընդհատ, և անտառային աշխատանքները՝ այդ անձրևի տակ: Մինչև ուղն ու ծուծը թրջված կալանավորներն այդ ժամանակ, մի կողմ թողնելով չոր ամռան սին երազները, երազում էին ու բաղձում, որ շուտ գար ձմեռն իր սառնամանիքով և կաշկանդեր երկրի ու երկնքի ջրերը:

Այժմ ձմեռ էր, անձրևներն ու ճահիճներն այլևս չէին նեղում կալանավորներին: Նեղում էր նրանց երազած ու բաղձած սառնամանիքը:

Պատատոտված թաթմաններով ու ծակ գուլպաներով, մի մասը «տելոգրեյկաների» վրա բուշլատներ հագած, իսկ մյուս, ավելի մեծ մասը՝ առանց մեկի կամ մյուսի, նրանք այժմ փայտ էին սղոցում ճամբարի կողքի հրապարակում և դարսում վանդակներով: Վաղուց արդեն հայտնի էր, որ սղոցված էր մի քանի անգամ ավելի, քան հարկավոր էր ճամբարին՝ ամբողջ ձմեռը: Բայց կալանավորները շարունակում էին սղոցել, որովհետև ճամբարում չկային այլ աշխատանքներ. շուրջը, մեծ տարածության վրա, անտառը խիստ

վատորակ էր, ցանցառ, բացատներով ծածկված, և ծառակտրում հնարավոր չէր կատարել: Ուստի և հարյուր հիսուն հոգուն վերաբերող «իրերդ հավաքիր» հրամանը միանգամայն ճիշտ էր, թեև չափից շատ մեծ ուշացումով ստացված:

Վաղուց էր, որ ճամբարում չէր տիրել այդպիսի տոնական տրամադրություն: Վաղ առավոտից, իրենց նախաճաշն արդեն կերած, կալանավորները «հավաքում էին իրերը»:

Այդ վերջին նախադասությունը պատկանում էր աշխարհի ամենաանհմաստ նախադասությունների թվին: Հրամայում էին հավաքել գոյություն չունեցածը: Ուստի և «իրերդ հավաքիր»՝ իրապես նշանակում էր «սպասիր»: Ի դեպ, անհմաստ էր նաև այդ բառը: Ի՞նչ կարող էր անել կալանավորը եթե չսպասեր, պիտի գնար ուրի՞շ տեղ, պիտի զբաղվեր ուրի՞շ գործով, թե ինչ:

Իրենց իրերը, իրոք որ, հավաքել և նախորդ օրը ձիասայլակով ուղարկել էին երեսունից ավելի պահակներ, որոնք նույնպես, այլևս պետք չէին գալու կալանավորներից կիսով չափ դատարկված այդ ճամբարում:

Մինչև որ կալանավորներին կանչեցին անուն-ազդանուններով և «ֆորմուլյարների» այլ տվյալներով, մինչև որ հաշվեցին ու վերահաշվեցին նախ նրանց, ապա նաև նրանց ֆորմուլյարները՝ եղավ համարյա կեսօր, և օրը տաքացավ: Տաքացավ, իհարկե, սառնամանիքի սահմաններում:

Երեսուն պահակներ շրջապատեցին հարյուր հիսուն կալանավորներին: Ուղեպահակների պետը, մի շատ լավ մարդ, չարտասանեց նախազգուշական «աղոթքը»՝ փախուստի փորձի դեպքում զենքն առանց այլևայլության գործի մեջ դնելու մասին և նույնիսկ չպահանջեց, որ կալանավորները քայլեն շարքեր կազմած և լուռ: Գնացին խառնիխուռը, աշխույժ գրուցելով, ընդ որում ոչ միայն իրար հետ, այլև կալանավորները՝ պահակների հետ և պահակները՝ կալանավորների:

Քաղաքացի պահակապետ, քա՞նի կիլոմետր ենք գնալու, հարցրեց մի կալանավոր:

Երեսունվեց, առանց դա գաղտնիք դարձնելու, հաղորդեց ուղեպահակների պետը:

Անտառը, որով գնում էր Էտապը, համատարած չէր, շարունակ ընդհատվում էր փոքր ու մեծ, մանավանդ մեծ բացատներով: Իսկ երբ, միանգամայն անսպասելի կերպով, երկնքում հայտնվեց արևը, ապա կալանավորների տրամադրությունը դարձավ համարյա գվարթ:

Իսկ գվարթության, ճիշտն ասած, ոչ մի հիմք չկար: Ճանապարհ գնալը, որն աշխարհում ամենամեծ բավականություններից մեկն է մարդու համար և առհավատ չյա է փոփոխությունների, բազմազանության, նորության, այդտեղ խաբուսիկ էր: Գնո՞ւմ էին կալանավորները ճանապարհ, թե՞ չէին գնում, տա՞սը կհլումետր էին գնում, թե հարյուր՝ միևնույնը չէ՞ր միթե: Նրանք հասնելու էին ճիշտ նույն տեղը, այսինքն՝ հար և նման մի ճամբար: Դա նման էր ոչ մի տեղ չգնալու, իր տեղում մնալու: Միակ ռեալ ճանապարհը, որ կար նրանց առջև և որը նրանք անցնում էին այնպիսի սպանիչ դանդաղությամբ, դա նրանց դատապարտման ժամկետն էր...

Օրվա երկրորդ կեսին, ժամը 5-ին, հասան մի ճամբար: Նրանց համար դուրս բերեցին երկու տակառ և սկսեցին ճաշ բաժանել՝ առաջին և երկրորդ: Առավոտվա աշխուժությունն արդեն տեղի էր տվել զգալի հոգնածության ու մտահոգության: Օրը համարյա ավարտվելու վրա էր, իսկ նրանք անցել էին ընդամենը տասնութ կիլոմետր... Դիմացը նրանց սպասում էր մոտակա երեկոն և դարձյալ տասնութ կիլոմետր...

Ճաշից հետո ուղեպահակների պետը դիմեց կալանավորներին.

Ուշադրություն, ճանապարհի կեսը դեռ մեր առջևվում է: Ու քանի որ օրն ավարտվում է՝ մենք այսուհետև պիտի գնանք արագացրած քայլերով: Ով որ ուժ չունի ճանապարհը շարունակելու կարող է մնալ այստեղ: Ո՞վ է ուզում...

Մարդիկ նայեցին իրար: Վեց ամսից ավելի միասին ապրած և իրար վարժված, նրանք չէին ուղում անջատվել ծանոթ կոլեկտիվից, բնենել անձանքների մեջ:

Դա ևս, մեկն էր ճամբարային մոլորություններից: Կալանավորները մոռացել էին, որ ճիշտ այդպես, վեց ամիս առաջ, նրանք չէին ուզեցել անջատվել կալանավորների մի այլ կոլեկտիվից և միանալ սրանց, որոնցից չէին ուզում անջատվել այսօր...

Ճանապարհակեսի այդ ճամբարում մնալ համաձայնվեցին ընդամենը տասնմեկ մարդ:

Նախագգուշացնում են, կալանավորներ, մի անգամ ևս ասաց ուղեպահակների պետը, մեր ճանապարհի վրա չկա այլևս ոչ մի ճամբար, չկա ոչ մի գյուղ: Այնպես որ, չեք կարող հույս դնել հանգստի վրա: Պիտի քայլենք ու քայլենք: Եվ այն էլ, նորից են կրկնում, արագացրած քայլերով: Ուրիշ մնացողներ չկա՞ն, լավ մտածեցեք...

Ուղեպահակների պետը, իրոք որ, շատ լավ մարդ էր, որովհետև չբավականանալով այդքանով, շարունակեց.

Ինչպես ուզում եք: Իսկ եթե ճանապարհին հոգնեցիք, ետ մնացիք...

Այդտեղ, սովորաբար, հաջորդում է սպառնալիքը: Բայց նա ասաց.

Ես կարող եմ ձեզ հետ թողնել մի կամ երկու պահակի, որ քայլեք ավելի դանդաղ: Բայց այդ դեպքում ստիպված պիտի լինեք քայլել ամբողջ գիշերը: Մտածեցեք, կալանավորն եր...

Երեք րոպե հետո նա կարգադրեց. Քայլե՛լ...

Էտապր ճամփա ընկավ:

Ավաղ, ուղեպահակների շատ լավ այդ պետը, հոգատարությամբ նախագգուշացնելով կալանավորներին, հիշատակելով երեկոն, որը, բնականաբար, լինելու էր ավելի ցուրտ, հայտնելով ճամբարների և գյուղերի բացակայության մասին՝ ճանապարհի վրա, արագ-արագ քայլելու անհրաժեշտության մասին և այլն, մոռացել էր նշել էլի մի հանգամանք: Ճանապարհը, մի կիլոմետր այն կողմ, վերածվելու էր անընդհատ վերելքի՝

բավական դիք...

Թե՞ գուցե չէր մոռացել, այլ ինքն էլ չգիտեր, առաջին անգամն էր անցնում այդ տեղերով...

Կա մարդկային մարմնի հազար ու մի անգոր թուլություն: Բայց դրանցից գուցե ամենասարսափելին ծնկների թուլությունն է: Ծնկներից վերև՝ դու առույգ ես և ուժեղ, ծնկներից ներքև նույնպես: Բայց ահա ծնկները... Դրանք կարծես պոկված լինեն և ոտքերիդ երկու մասերը բարակ թելով իրար միացված... Մարմինդ ձգտում է դեպի առաջ ու վեր՝ բացասի այդ վերելքով, թևերդ կատարում են կայտառ թափահարումներ, բայց ծնկներդ...

Դու քայլում ես Էտապի մեջտեղում: Քայլում ես՝ լարումից քրտնած: Եվ նկատում ես, թե ինչպես քո ետևից գալիս և քեզ անցնում են ուրիշները, գալիս և անցնում են, գալիս և անցնում են քո կողքերով...

Եվ ահա դոկ մենակ ես, ամենավերջում: Քեզանից հետո միայն պահակն է՝ վերջին պահակը, բայց դա այդպես էլ պետք է լինի, նա իր տեղումն է: Իսկ դո՞ւ...

Բարեկամական ձայն՝ քո ետևից.

Մեծ-մեծ քայլիք, կալանավոր՝:

Չեմ կարող...

Ուժ տուր, ոչի՛նչ:

Չեմ կարող...

Դու չես ուզում հանձն առնել իրողությունն ինքդ քո առաջ: Դու վերջինն ես.. Միայն դու ես վերջինը...

Կալանավորն ու պահակը կտրվեցին Էտապից: Եվ այդտեղ արդեն, թույլ ձայնով .

Քաղաքացի պետ...

Եվ, ավելի ուժեղ մի այլ ձայն՝ պահակինը. Ընկեր պետ...

Ուղեպահակների պետը նայեց ետ և դեռ չէր մոտեցել, երբ ետ մնացին նաև երեքը: Առաջին կալանավորը, այսինքն՝ առաջին վերջինը, ուրախացավ, նա մենակ չէ...

Չեմ կարող արագ... շնջաց նա՝ մեղավորաբար նայելով ուղեպահակների պետին:

Վերջինս չբարկացավ, այլ դիմեց պահակին.

Ետ մնա և քայլեցեք ավելի դանդաղ: Քա՞նի հոգի են, չո՞րս: Ուրեմն չորս...

Եվ վազեց Էտապի կողքով, առաջ:

Մի քանի րոպե անց, Էտապը կորավ ետ մնացողների աչքից:

Իսկ ճանապարհը, թեկուզև այժմ ոչ-շատ դիք, բարձրանում էր ու բարձրանում՝ ցանցառ անտառով, բացատներով: Եվ վրա էր հասնում աղջամուղջը...

Սառնամանիքն ուժեղանում էր րոպե առ րոպե, և եթե կալանավորները դեռ չէին զգում լրիվ կերպով, թե որքան խիստ էր այն, ապա դա՝ շնորհիվ քայլելուն:

Պահակապետը շուտ-շուտ նայում էր ետ: Եվ դա իզուր չէր: Շուտով ետ մնացին ևս չորս հողի: Պետը կարգադրեց Էլի մի պահակի.

Կորոթենկո, դու կմնաս հետները:

Դեռ նոր էր Էտապն անհետացել փոքր խմբի աչքից, երբ Կորոթենկոն, ուկրաինացի երիտասարդ, կարգադրեց կալանավորներին՝ կանգ առնել:

Թող այն խումբն էլ մոտենա, բացատրեց նա, այդ դեպքում կդառնանք երկու պահակ և ութ կալանավոր...

Վտանգավոր սխալ էր դա, որ կատարեց Կորոբենկոն: Միայն կանգ առնելուց հետո կալանավորներն զգացին, թե ինչպիսի քամի էր փչում այդտեղ բարձրադիր անտառի այդ բացատում, սառնամանիքի մեջ...

Կալանավորների հագուստները, որ թրջվել էին քրտնքից, մի թուպեում սառեցին՝ ինչպես թաց լվացքը ձմռանը, պարանի վրա: Երբ հագուստի այս կամ այն մասը շփվում էր եալանավորի մարմնին, նա սրսփում էր սառնությունից:

Մյուս խումբը չկար:

Գնանք, խնդրեցին կալանավորները:

Սպասենք էլի մի քիչ, ասաց պահակը ինքն էլ շխշխկացնելով ատամները:

Գնանք, նորից խնդրեցին կալանավորները: Գուցե նրանք վերադարձել են ճամփակեսի ճամբարը: Գնանք... Քաղաքացի պահակ, խնդրում ենք քեզ, գնանք... Գնանք, հանկարծ ճչաց կալանավոր Բոգարջյանը՝ հարավում ծնված և ապրած, իսկ այժմ այնքան վատ հագնված: Գնանք, ես սառ... սառ...

Ծնոտների շխշխկոցը թույլ չտվեց նրան ավարտել խոսքը: Մութը թանձրանում էր վայրկյան առ վայրկյան: Քամին, որ առաջ փչում էր լռելյայն՝ կարծես քսվելով կալանավորների հագուստների կակղոթյանը, այժմ վնգում էր ու վզգում խփվելով արդեն սառած այդ հագուստների կոշտ պատերին:

Երեք կալանավորները, իրենք էլ ցրտից կծկված ու դողահար, նայեցին չորրորդին: Բոգարջյանի հետ կատարվում էր ինչ-որ շատ վատ բան:

Գնանք, աղերսեց մեկը՝ Լեոպոլդ անունով, տեսեք, կալանավորը ձեռքից գնում է...

Կորոբենկոն նայեց և հասկացավ: Լեոպոլդն իրավացի էր...

Նույն պահին, առաջին անգամ մի քանի տարվա ընթացքում, մարդիկ տեսան հեռվից դեպի նրանց սլացող մի բեռնատար մեքենա: Պահակը կանգնեց ճանապարհի վրա, հրացանն առավ ծնկների արանքը, բարձրացրեց գույգ

ձեռքերը: Բայց մեքենան գալիս էր նույն թափով՝ արհամարհելով ճանապարհի մեջտեղում կանգնածին:

Կորոբենկոն հագիվ հասցրեց ցատկել մի կողմ, և մեքենան սլացավ-անցավ վաքրիկ խմբի մոտով:

Գնանք, շտապեցրեց այս անգամ Կորոբենկոն ինքը: Քայլեցին քամու հարվածների տակ գլուխները խոնարհած:

Բոգարջյանը քայլեց հարբածի պես՝ ոտները խճճելով իրար: Նա այլես չէր մրսում և ցնցվում: Հաճելի տաքությունը պաշարել էր նրան:

Քայլիր, բղավեց նրա վրա կալանավորներից մեկը, քայլիր, սիմուլյանտ...

Խոսքերը հասան Բոգարջյանի գիտակցությանը: Նա ուզեց ժխտել, ասել, որ հինք չունի սիմուլյացիա անելու: Չէ որ ճանապարհին չկա ոչ մի ճամբար, ոչ մի գյուղ, որտեղ հնարավոր լիներ իջևանել: Էլ ինչո՞ւ պիտի նա սիմուլյացիա անի... Բայց նրա բերանից թռան միայն ուժեղ հարբած մարդու մի քանի անկապ թոթովանքներ...

Քայլիր, սիմուլյանտ...

Քայլիր, սրիկա...

Քայլիր, կալանավոր...

Բայց, անելով ևս երկու քայլ, Բոգարջյանը տապալվեց գետին: Նա ոչ միայն չզգաց ճանապարհի ամրացած ձյան շորությունը, այլև ժպտաց երանության մեջ, կարծես ընկղմել էր փափուկ մի անկողին: Հաճելի մեղկությունը, ինչպիսին լինում է քնելուց առաջ, պաշարել էր նրան:

Քամին կատաղի շվում էր ու շաշում: Սառնամանիքը, բազմակողմ արքանների պես, սեղմել էր կալանավորներին ու Կորոբենկոյին՝ բոլոր կողմերից: Կանգները հավասար էր մահվան:



Իսկ պատկե՞լը...

Վեր կաց, ոտքով կատաղած հարվածեց պատկածին շորս կալանավորների միջի միակ քրեականը:

Վեր կաց, ավելի ուժգին հարվածեց նաև մյուսը՝ երբեմնի գնդապետ, բարձրահասակ, ուժեղ:

Կարծես ոչ թե հարվածներ հասան ընկածի մարմնին, այլ ստվերներ: Նա չզգաց ոչ միայն ցավ, այլև հայում: Քաղաքացի պահակ, աղերսեց Լեոպոլդը, նա... նա ձեռքից գնում է... Մենք էլ նրա պատճառով... Գնդակահարեցեք նրան... որ մենք գնանք...

Գնդակահարեցեք նրան... խնդրեցին նաև մյուսները՝ քանի որ չէր կարելի թողնել կենդանի կալանավորին առանց հսկողության և հեռանալ:

Սարսափելի բառը հասավ Բոգարջյանի գիտակցությանը: Նա նայեց վերև՝ պահակի աչքերին, ինչպես գետնատարած անասունը՝ սպանդարին:

Մի գնդա... կահարեք ինձ... թոթովեց նա: Ես... ես հիմա... ես հիմա վեր կկենամ... Հիմա...

Բայց այնպիսի անպատմելի երանություն էր զգում նա պատկելուց, որ չէր շտապում վեր կենալ, և մտածում էր ինքնիրեն. «հարկավոր է էլի մի քիչ խոսել, ձգձգել, ժամանակ շահել, որպեսզի մի քիչ էլ պատկած մնամ, մի քիչ էլ, մի քիչ էլ»...

Եվ կրկնում էր անկապ. «Հիմա... հիմա...»՝ շարունակ նայելով Կորոբենկոյի աչքերին:

Միայն մի կարճ վայրկյան մտածեց ուկրաինացի երիտասարդը՝ որոշում ընդունելու համար, և բղավեց բարկացած.

Ի՞նչպես թե գնդակահարել, խելագարվե՞լ եք, ի՞նչ է: Կամ բոլորդ կսատչեք միասին, կամ կփրկեք ձեր ընկերոջը: Ապա, բարձրացրեք նրան, բռնեք թևերից:

Շուտ...

Կալանավորները հասկացան, որ այլևս անկարելի էր սպասել ուրիշ բան:

Կատաղած բարձրացրին Բողարջյանին: Քրեականն սկսեց անխնա խփել նրա դեմքին, վզակոթին... Բայց գուցե դա լավ էր, արյունը նորից շարժվեց հանգչողի երակներում: Իսկ նա չէր գգում ոչ միայն ցավ, այլ մինչև իսկ հպում: Կարծես ոչ թե բռունցք, այլ բռունցքի ստվեր էր անցնում նրա դեմքի վրայով...

Իսկ հիմա տարեք նրան ձեզ հետ:

Քայլեցին: Մեռնողը, խիստ հարբածի նման, հագիվ էր գետնին հպում ոտքերը և դրանով գոնե մի քիչ օգնում երկուսին՝ տանելու նրան: Այդ երկուսը բռնել էին նրա թևերից: Երրորդը շարունակում էր ոտքերով-ձեռքերով հարվածել ու հարվածել նրան: Կորոբենկոն չէր խանգարում: Գոնե որևէ բանով պե՞տք է հանեին կալանավորներն իրենց հերսը:

Դիմացից երևաց եզասայլ: Ոչ թե սահնակ, այլ հենց սայլ:

Կորոբենկոն կանգնեցրեց, հարցրեց.

Կա՞ դիմացը որևէ գյուղ, մոտիկում:

Չկա... ասաց սայլապանը:

Պահակը մի պահ մտածեց ետ դարձնել սայլը, պահանջել, որ տանի կիսամեռին, բայց հասկացավ. սայլի վրա պառկած, անշարժության մեջ, նա կսառչի համարյա իսկույն: Նրա փրկությունը քայլելու մեջ է: Գուցե և այն բանի, որ քրեականն անխնա ծեծում է նրան, ծեծում...

Արդեն լիակատար մթություն էր: Չէր երևում լույսի ոչ մի կետ: Կորոբենկոն ծխող չէր: Կալանավորները ծխող էին, բայց չունեին ծխախոտ: Երկինքն անպամած էր ծայրեծայր, ասաղեր չկային:

Եվ հանկարծ, հեռվում, այդ լիակատար մթության մեջ, անսպասելիորեն, պլպլաց մի փոքրիկ լույս: Որքան էլ որ դա տարօրինակ է, առաջինը դա նկատեց

Կիսամեծ Բոգարջյանը...

Այն... ի՞նչ է... հարցրեց նա: Ա՞ստղ... թե՞ կրակ...

Կրակ... բացականչեցին բոլորը՝ համարյա միանգամից:

Ուրեմն ես փրկված եմ... շնչաց Բոգարջյանը և կորցրեց գիտակցությունը...

Երբ աչքերը բացեց նա պատկած էր գյուղական մի տաք խրճիթում, նստարանի վրա:

Առաջին բանը, որ նա տեսավ, դա սեղանն էր սենյակի հեռավոր անկյունում, իսկ սեղանի շուրջը՝ պահակը, երեք կալանավորները, մի տարիքոտ տղամարդ ու կին և մի փոքրիկ աղջիկ: Նրանք բոլորը թեյում էին:

Ի՞նչ իմանար Բոգարջյանը, թե ինչ էր պատահել իր ուշագնաց լինելուց հետո...

Իսկ պատահել էր այն, որ նա տապալվել էր գետին, և ուժասպառ կալանավորներն այլևս անկարող էին եղել տանել նրան:

Կալանավորները որսացել էին ուկրաինացի երիտասարդի անհողդողդ հայացքը. նույնիսկ հիմա ես չեմ գնդակահարի նրան, տարեք ձեզ հետ, փրկեցեք...

Միջոցը գտել էր գնդապետը: Անուր կապելով Բոգարջյանի բամբակած գլխարկը նրա ծնոտի տակ, որպեսզի չարձակվի, վերցնել էր նրա ոտքերն իր թևերի տակ, լծվել էր նրան և քարշ տվել մեկ և կես կիլոմետր...

Կիչիզիստ խուտորն ընկած էր ճանապարհից դուրս մի բլուրի վրա: Փոքրիկ Էտապը թեքվել էր այդ կողմ:

Բարձրանալով բլուր, պահակը թակել էր առաջին դուռը: Արթնացել և դուռը բացել էր մի երիտասարդ կին: Տեսնելով տղամարդկանց խումբը, այն էլ՝ կալանավորների, նա վախեցած փակել էր և փակ դռան ետևից հայտնել.

Իմ ամուսինը ռազմաճակատումն է, ես տանը մենակ եմ: Թակեցեք մի ուրիշ դուռ...

Երկրորդ տանը մերժել էին երկրորդ պատճառով, երրորդ տանը՝ երրորդ, վեցերորդ տանը՝ վեցերորդ: Իսկ խուտորը բաղկացած է յոթը տնից ինչպես լինում է հեքիաթներում, և մերժել էին վեցը՝ ինչպես, նույնպես, լինում է հեքիաթներում:

Չափից դուրս գայրացած Կորոբենկոն մոտեցել էր յոթերորդ դռանը և կատաղի թակել հրացանի կոթով: Եվ բղավել էր դուռը բաց արած տղամարդու երեսն ի վար.

Մի՞թե դուք խիղճ չունեք, սրիկաներ: Թույլ տվեք, որ մարդը գոնե մեռնի հարկի տակ...

Ի՞նչ է պատահել, գարմացել էր տանտերը:

Կորոբենկոն բացատրել էր կցկտուր:

Իսկ մի թե ես մերժել եմ, որդիս, դուռը լայն բաց էր արել տանտերը: Համեցեք: Շուտ, մտեք: Էյ, երիտասարդ, սպասիր, թոզ նախ ներս բերեն սառածին...

Թեյասեղանի մոտ մեկը նկատեց ուշքի եկածի չոված, խելագարի աչքերի նմանվող աչքերը և թևով բոթեց իր հարևանին: Բուլորր, բոթբթելով իրար, նայեցին:

Կենդանի է... ուրախացավ Կորոբենկոն:

Այո, հառաչեց տանտերը: Բայց որքա՞ն ժամանակով... Վերցրու, երիտասարդ, այս կաթը, տար տուր նրան... Կխմի, իսկույն շուտ կտա սիրտը և կմեռնի... Ավելի լավ է՝ այդպես, քան երկար շարժարվելով: Տար տուր կաթը... Ես շատ եմ տեսել, թե ինչպես են մեռնում ցրտահար եղածները...

Քրեականը մոտեցավ Բոզարջյանին.

Կաթ ուզո՞ւմ ես:

Ուզում եմ. շնչաց պատկածը՝ դանդաղ նստելով:

Վերցրու...

Խմեց: Եվ, ոչինչ, շուտ չտվեց: Միայն թե նորից պատկեց: Ուժ չունեի նստելու:

Իսկ կարտոֆիլ ուզո՞ւմ ես, ձայն տվեցին սեղանի մոտից:

Ուզում եմ...

Բերեցին երկու կարտոֆիլ: Պատկածը կերավ մի հատը, իսկ մյուսը, իբր թե աննկատելիորեն, կոխեց գրպանը: Բայց դա՛ գիտակցությունը չէր թելադրողը, այլ կալանավորական՝ անասնական բնադրը...

Էլի ուզո՞ւմ ես:

Ուզում եմ...

Եվ էլի, մեկը՝ բերանը, մյուսը՝ գրպանը...

Իսկ... այդ ի՞նչ է... թթու կաղամբ... շշուկով հարցրեց նա:

Այո: Ուզո՞ւմ ես:

Խնդրում եմ... Մի քիչ...

Բերեցին: Կյանքում չէր սիրել թթու կաղամբ: Բայց, ինչպես կաթը, ինչպես կարտոֆիլը, այնպես էլ թթու կաղամբն՝ ունեին նույն համը նրա բերանում, այսինքն՝ չունեին ոչ մի համ: Չունեին նույնիսկ ֆիզիկական գոյություն: Բողարջյանը չէր շոշափում դրանք ո՛չ շուրթերով, ո՛չ լեզվով, ո՛չ քիմքով, ո՛չ կոկորդով: Դա նման էր մտապատկերներ ուտելու...

Իսկ հիմա քնիր...

Բոզարջյան ը փակեց աչքերը: Բայց, որ ամեսագարմա՝ նային է, և ուղղակի անհավատալին, փակեց ոչ-ընդմիջտ:

Առավոտյան նա արթնացավ:

Առաջին անգամն եմ տեսնում այսպիսի հրաշք, աչքերին չէր հավատում ուրալցին: Ի՞նչը փրկեց նրան...

Եվ ոչ ոք չկարողացավ հասկանալ, որ կալանավորին փրկեց այն երջանիկ հանգամանքը, որ նա, հինգ տարվա ընդմիջումից հետո առաջին անգամ, իրեն գտել էր ընտանեկան հարկի տակ...